



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七九二

李舍人遺集二卷 李結撰

泣血緝存四卷 羅長椅撰

漁齋詩集二卷 周延俊撰

烹茶吟館詩草十卷 魏仲青撰

鄒樓燼餘稿不分卷 蔣元慶撰

御製詩一卷御製文一卷 愛新覺羅載湉撰

公言集三卷公言集續編一卷刻鵠集三卷秘書集十卷 沈同芳撰

可園詩鈔七卷 三多撰

可園詩鈔外四卷 三多撰

李剛己先生遺集五卷附錄一卷 李剛己撰

一

二七

六三

九九

二二三

二六九

三七五

五七九

六四九

六七五

李舍人遺集

光緒丙申仲
秋宗鄭堂刊

李舍人傳

李結字綠寶江西廬陵人也家世業鋸居揚州寧四其賢豪長者相識好爲駢儷之文詩法漢魏而刻意斬險時時出語苦冷類長吉長老或怪頗戒之弗止也以丁卯生中辛卯科江西舉人冠其曹赴禮部試不第安福謝涵能詩文性狂褊不自檢救操土語佶屈難通曉家窶貧屢蹟于試鄉里少年辭謾之出門它適輒齟齬無見禮者一日遇結于試屋中語合意往還流連各賦詩爲別既而結中式涵復斥結貽書慰涵且資之金錢涵既困久得結益自發紆踊躍狂喜逢人道李結不釋口其友桐城姚永概習結名心異結之爲人概以甲午冬來揚州遇歙縣許德凝詢謝涵焉叩其何以識涵則李結乃其姊婿而結往往與之言涵無厲詞也方大喜可因緣見結則泣然曰結死矣年二十有六二女無丈夫子詩文多散佚其友仁和邵召棨其一卷曰李舍人遺集其弟約復肱其彙得數十篇將重槧之

李舍人傳

姚永概曰方結之生豈欲以是詹詹者示天下耶年弱志橫才思排軼一世使後君子無我見細焉而卒不幸不稱其志今所存者決非結之自喜者也悲夫悲夫士學業未大白顯于人人觀結之死能毋懼哉能毋懼哉爰不請而爲之傳焉

李舍人遺集敘

光緒十有七年冬廷式始識廬陵李少蓮於京邸初少蓮用第一人舉於鄉典試與其文爭相詫爲告余反復灑然異之度其人必巍岸恠磊浩乎據千仞不可尋度及觀其淵靜湛穆欻然出詩文辭相質則益重其辭誼而懿其才蓋詩文辭之衰久矣儉者競膚澤而末由深澈周秦漢唐人之指號爲淹博者又或炫詭騁碎不屑踐履曠莫之涂辭愈廣而質愈漓古作者淵微於是乎大敵少蓮壯年盛氣宣其才自昧於浩渺無垠之始烏可復繩其津浹迺未幾病且死矣烏辱余浪游天下獲交海內士大夫其後進高才抗志曠然自躋古人者千伯中猶或一二覲求其表

李舍人遺集敘

一

裏淵璞粹古而無戾於今卒鮮少蓮既沒霍山陳鑑磐庶常復以翰林故事從余游志行迺與少蓮埒而亦抱其志以死嗟乎人材盛衰造物者甯默漠泊渾喪不復省顧於其間邪抑勢數流極賢者輒不樂懣鬱斯世默相率逍遙於元夷太素之域邪願鑑磐無片語禡人世少蓮迺得託遺藁寄其遐思其幸不幸又烏可秦越計邪少蓮在時所造輒苦思冥索深閤不以示天下今其尊人秀峯司馬命季子約編輯聽其悲余假歸江表輒廣其意於簡端如此光緒二十有一年夏五月

日講起居注官教習庶吉士稽察右翼宗學翰林院侍讀學士萍鄉文廷式撰

李舍人遺集敘

文字主性情性情所倚學力因之及造乎其極迺各名家于後世是故唐李杜宋蘇黃雖並世友誼相欽許而造詣輒異初庚寅春述始交李君少蓮于揚州與譚詩持論各別壬辰夏君返自都門謂從友人所見述詩則索贈迺撰五言四章以獻君大喜出詩示我蓋締交三載始以文字相往還冬復作雪詩廣和彌月而交日密然述嘗謂君詩境險澀以爲長吉嘔心非少年所宜君愾然曰但使文章名世雖困折且自愉樂卽烏能俯仰時俗敦福澤文字哉余陰詫其言癸巳春訪君疾未晤一日書來謂且不起屬致醫附詩有新鬼寒食之語益大駭知爲不祥迺醫往而

李舍人遺集敘

一

余病不能赴未幾方走使問疾而君沒矣悲哉君詩文湛邃峭塞一廓世俗婀娜孌靡之態居恆以昌黎自命跡其所詣實與長吉爲似使天假之年擴充其識力烏見不與山谷半山相詡詡哉今哲弟仲蓮彙其遺稿付梨索序記壬辰秋君曾出畧五言二章茲俱不存固知遺佚已多吉光片羽愈可珍惜繙繹流連而懷人感逝之淚不能自己君昔嘗笑謂述曰吾兩人趣悖不合幸君名位未盛不則談龍錄且復作烏辱豈知述之推君政在異不在同惜不能起九原而以此質之

光緒乙未閏五月彭澤歐陽述敘于揚州

李舍人遺集

擬王子淵聖主得賢臣頌

廬陵李

結錄

夫盲瞽搏缶豈能識宮商之妙感壤叟鼓腹何足窺喜起之由盛今臣瓊處庸益蠢冥什伯于盲瞽樸陋倍徙于壤叟安敢插齒牙樹頰頰然猶願竭吹鄙而罄愚述者易曰雲從龍風從虎各從其類而已夫賢人應期運之數者也天與地泰而宇內成其治人與法習而域中賴其器故庸匠之秉朽斲也將圓或楫將校或剏迨夫婁輸奏神明之技布公旦之尺引丁相之繩朱翟擣舌倭和嘒哈豁如鑿空擊虛雖至千巧曲備萬度錯出彼之陰帥陽雪猶鬱神

李舍人遺集

變而弗罄者工習其械也陋氓之操鈍鐵亦終歲德爾而不豐其年手足重爾飢餓仍逼迨夫運犀銑奮利鉏神農給耒伯禹相甫力少功倍溥利斯獲紅陳繼踵困倉爲溢酒弗孟豚弗蹄汙邪遂滿穰穰盈室何殊之懸哉農習其具也故裹逾月之贏者弗病吳越之修阻樹六關之勁者弗嘆青雲之寥闊何者優其負者舉其任天生賢臣固將遺聖主舉天下也若然固宜夢寐求之款朱顏之結而勤思左位之實也夫抵掌虛拂者必崇偉效屈鄰前土者必壯宏烈昔殷宗繪形于傳險坐洽梅麴之濟周文索璜于渭涘立建鷹揚之策揆厥所元君勤于側席而士亦必競于輻輳夫昔賢臣之困于際也唇腐齒落而弗獲主聽之

一改披肝裂膽而愈遭媒孽于左右求試則被謗黜汶汶又非其心故膠鬲以魚鹽晦蹤箕子以佯狂汙行申胥吹簫范雎匿名遭世不遇也比夫得聖主而委事也談說動九陛呼息周宇內直徑得遂其志紆餘得畢其意謝靈衣袒褐而擁章施辭桑樞蓬累而淪玉墀分組析珪而耀五宗銘鐘舞萬而垂無窮故聖主不子立以出治賢臣不虛生以遺世故鳳鳥萃周祥熊羆燮宣靈麒麟應孔生龍蛇中漢興傳曰五百歲有王者起必有名世語曰德不孤必有鄰電怒霆震其氣若響昔伏羲軒轅氏興得綠圖風后力牧遐邇踵武德速郵命神符靈契有似冥合雖后夔致率舞師曠下白鶴曾何足譬其似也故聖主非賢臣無以

李舍人遺集

顯宏致賢者非遇巷無以行其道不先不後相需而麗節浩乎若萬川導東海淳乎若百穀得膏雨其感會如此則吁俞何鬲都弗何闕戰勝于明堂化覃于鬼方甘露既滋朱草遂萌以此馴天下何弗擾以此咸百蠻何弗柔道并三五咸事偕八九牟揖讓之盛協廣載之歌作雍容風動之寓端拱咸熙之庭上荷天衢下提地釐千歲萬壽無疆之期奚取白陽之修谷神廣成之詔長生詔夸道術在是哉詩云惟中及甫爲周之翰善乎其所謂翰也

孫山滂亡室馮氏墓志銘

惟年月日夫人卒粵年月日葬於某禮也歲璞折緝辛蕙周芳川紅駟蓋谷掩龍幌姜飭已穴蒙缶彌悼雙肱歎速

中殤怨暴國喪燕媚家虛趙豔爰檄下史誅德昭寧乃爲
銘曰

龍威蜺蜺玉流璿源是產佳俠實誕終溫展如舜英日惟
邦媛發彩星繁揚輝錦絢奉禮惟約敷文惟華披龍悟象
展荷餐葩爰及玉笋來嬪青瑣警雁環和趨難珮離姑射
不處元邱告崩景滅寶婺光寒玉繩同位奔號異宮獻猷
來思霜始去矣冰未幽衡委座黃題就房李靈荒惚潘恨
悲涼義迫娥纏餘哀無泯刊璣圖徵永表幽愍

大象贊

夫赤豹白虎蒼宗侈其靈錫肉角黃輝炎氏夸其休享丹
冊彪炳徵夫彼瑞我聖清之受命也繩繩濟濟拓世恢

李舍人遺集

三

統飛頭請吏鑿齒賓王威力懾乎鬼區仁恩被於喘息豈
直越裳獻其雪雉蒲梢貢其天馬而已哉乃有炎厓巨產
妙簡鑾衛宛委馴調柔心待服皇上思恭儉之爲寶
賤奇育而弗御遂使韓困絕平翠帳婉憚罷於西清盤蹄
弗施神力無用斯亦見八九之懋軌三五之尙謨已草莽
庸賤獲睹外閑殫知竭思聊罄鄙述

猗與元化九有亭毒鳳不暇棲龍不遑伏雲螭懷啟颺驪
思穆素雌往鑲碧雄來矚惟茲不誕遂溢天牧搖鼻柱傾
垂牙劍簇刻舟駭既翊輦知勗我皇舜德恭已無欲
庶取耕山匪責扶藪保爾遐齒允威荒服

祭烈孝祠鄧太夫人文

桓桓夫人實天誕美表淑於鄧作嬪於李陽九之巖顏如
舜華凶焰方逼傷心奈何言整我履言絜我帶割此親懿
投彼江瀨惟皇照微嘉我完魂千秋萬歲永享蘋蘩

擬明甯庶人婁賢妃墓碑

蓋聞滄海變石難化精衛之魂金斗成灰不滅摩笄之血
聶姊於邑悲哀義蹈菹醢曹女靈爽衝笑江回逆波斯皆
冤泣去踪神愴來葉者矣賢妃挺生南紀續緒東婁舒秀
勝朝作嬪甯邸螭首託終風之宇寤言不寐舜英寄狡童
之國乃見狂且我生伊何逢天憊怒已而雄狐三去罔惕
鳴雞之警黃鉞一下遂託封豕之誅鯨鯢已封鸞鳳何集
爰依遺則痛指潛淵雖藁葬於遺民長流悲於清瀨嗚呼

李舍人遺集

四

哀哉夫魯公見滅垓下聞美人之死石侯被罪金谷傳蛾
眉之節汗青相映凝碧一色以古方今實同疎軌聖
清龍奮闡幽八極前江西布政臣彭樹碣如隴粗表殯
宮布政臣吳擴清如塋載崇馬鬣然事震兩朝碑無十字
是使鼓瑟堯女獨播瀟湘之韻抱絮魯婦莫紀長川之節
邦人君子宜有惡焉願效載筆垂頌萬世銘曰

朱火衰熄實生幽厲蕃服不靖竊窺神器淮南伏櫬雞犬
斯屠殄我邦媛天乎何辜大江之濱維如墓所玉魚金盃
吾皇賜與蕭瑟神道荒涼漆燈敬植松柏允固山陵

擬陸士衡連珠四首

臣聞章縫無華可以輔相珍寶有耀必以累治是以山陬

草服須蒙丹詔之徵海浦鮫珠空辱金符之使

臣聞展畢遮海不獲鯢鯨張冒際天不獲龍鳳是以南陽丈夫不伏東帝之闕北海義人不入西侯之夢

臣聞連城之壁不藉而冠帶肅於殿陛吹毛之刃不血而燧魘清於海際何則德充則不必盡其物神全則不必試其器是以前歌後舞不待必世之仁庶民子來奚俟百年之惠

臣聞俯仰飲啄或以適性鐘鼓太牢或以違心是以天馬被繡不若渥水之渚爰居處殿不若海島之陰

擬謝朓辭隋王子隆牋

故吏謝朓頓首死罪近辭帷幄遠赴郊畿仰龍捐恩古昔

李舍人遺集

五

所慨微臣弁陋悵然何說伏聞晞露冥濛望朝陽而無命免絲委弱託長松而豈久迺者征夫臨睨傲驂躋躅戒旦將發頓羈復駐齊卿三宿漢吏重還方寸不殊尺一斯畏昔依丹瑱獲奉雅言高山景行谷王宏納方謂彈智金耶蜀誠玉墀躍鱗天衢飛藻霄漢豈謂北渚歡墜南沅淚滋芳草不留綠波如送笳鼓漸過悲涕摧墮蓬壺滿望倏忽中抑瑤席遂散淒涼向隅形影孤隻五情愧報俯仰依戀曷其有極惟俟江浦蜿蜒報隋侯之明月枕簟啾啾致太尉之金環寢食爲懷寤寐如結縱復陵谷移易長冀雨露終存臨牋惘惘無任屏營朓頓首頓首死罪死罪

與沈士孫書

結頓首頓首士孫足下忝託情親條馬一載鏤肌刻髓莫可論報夙意足下神穎秀特弁鄙下愚依鱗爲幸豈謂飛黃驟耳罔拔于奴隸支離輪困徒登於將作茵溷弗齊霄淵斯判秦策迭贈晉馬將發聲伍班荆之綢繆事有殆甚蘇李河梁之躑躅情非可說亭皋惆悵岐路嗚咽昔傷謝吏今在賤子悲來折腸須臾九斷白首之約江水爲期攬涕告辭悵然無已結頓首頓首

再與士孫書

士孫足下返自扇禁喜奉華簡發函伸紙曠若發矇近迹多緒願稍揚摧夫玉堂射甲惟賈董孫晁之彥金門待詔必終馬嚴徐之美自漢而還斯道未爽竊意文慙曼倩安

李舍人遺集

六

取上書才劣子淵豈許奏頌頃逐眾徂鮮非夫已若其珠蘊宋檣壁潛隨掌殊復寂寥弗與斯列昔子長歛歎於甚或孝標太息於不測以今方古知非無因達人大觀庶諒孤憤來命過情見比仲寶慙惶驚悚不能無訝夫景倩脫落方詠濠肆瑯琊雖異良亦單隻况風流渺邈迥弗能及哉聞獻歲下帷逾適座中架上斷勝疇昔何者揚雄嗜奇非少載酒班嗣好古舊多典籍安有劉范儕輩盡爾睽絕恒生取借都無可進假曰信然則是西蜀元虛固資掃軌扶風邱堅本非示人猥託搗謙疇則敢信蟲魚搜輯比知益富雖鄰細瑣詎傷磊落第惜足下幼知文鼠早辨翰雞仍困有司莫展廷對未免孤東序之秘寶虛瑚璉之茂器

耳程伯休父夙挂稱道曩底 帝京訪問殆徧不圖之
子彫喪東粵永言悲痛甯惟執事邇來物色初得桐廬袁
郎中和殷勤方達適伊奉 詔有事迴避略與投分未遂
晤面旋又得盱眙王司業鶴時步玉趾清談數接二公俱
負命世之才并包非常之略虎嘯鳳敷致之浹辰新知佳
況於焉斯存伯仁眞長自謂有屬質之伯業差告弗忝藥
蕪遐阻楊柳徒折惆悵懷恨我勞如何時因南燕謹申答
敘長篇短札作者知在如結吹鄙眞乃爲愧聊成蕪竭敢
云效輦惻款慕思臨穎罔既夫人肩子無恙諸以系念結
頓首

上麥公書

李舍人遺集

七

歲月歟駛山河阻絕江浦有寄忽易時序隴雁不飛遂爾
寥寂瞻望靡託愴恨何已伏惟先生龔黃治美卓魯政清
文翁之教諸生雅化於巴蜀何武之爲內史謳歌於楚沛
賢哉長者允矣神君比來垂逸懷戀反側未知尹賞可換
頻陽或亦寇恂還借河內路遠莫致風聞多舛乞惠德音
俾庶梗槩結自離馬帳便走燕都飛鳥未鳴登龍斯待言
過冀北重搔首於孫陽眷念豫章敢忘懷于仲舉臨穎馳
系罔識所冀結頓首頓首

元日上余公誠格賀雪啟

結啟結聞良辰拊節鄂客歌其瓊芳上日觀祥魯史侈其
雲物咄彼叢陋甯與光揚伏惟所天高華奕世鳴鶴和陰

方美來思之對金螭趨省實副授簡之榮良日惟元清輝
允煥何幸庸薄俾獲躬瞻馬帳歛開謝庭斯在忝嘉趨於
木屑辱芳坐之薰爐泥首在顏屏營莫措唯當感接手於
梁賦緬霽涼於衛曲臨啟慙慙罔識所冀謹啟

再與子儀書

二月二日結白荒徑弗掃華軒仍戾雖信陵數存於毛生
成都密款於樓護以古方今未爲異寵東還奉判備聞嘉
旨謹當展淪壺之緩滴肅虛左之延伫但蓋君後至政須
多酌耳袁公佳著既得受讀繹翫竟夕望若斯歎是公才
調希世罕覩瓊流玉折蕩颺豪楮道風素論官然無際屬
在困蒙獲茲測管騰睇必如有如欺魄益信大雅之藪琨
蕩所集鍾期有眞奏牙生無虛歎也所奉不腆儀不及物
雖司州卻米有高曩紀而山陰選錢亦標華族猥予棄絕
無乃已甚敬復饋上慚與悚并結白

李舍人遺集

八

與劉比部子儀書

結白前者不棄遠步玉趾五情迴系耿如結轡憶自卯角
獲侍先德眄睐成飾已在疇曩頂踵未竭西州歎拱悵悵
殆紀自然不自知所報也岐嶷繼秀早振雲漢弇薄微陋
分難重辱不圖謙德復注蒙稚小入懷惠遂歷二世非階
骨肉燕昵之寵輒忝潘楊累世之睦靡有汝南斐然之勝
猥致滿公重葉之願徘徊恩款明發無已飄風晝隔鳳闥
宵阻聊藉申翰先代往答遲日當謁不敢繁辭結白

李舍人遺集

廬陵李 結緣寶

書事

炎荒累葉拱神京剪滅無端南柱傾
豈謂園溫煩楚炬還驚謀夏起萊兵我
皇原不張威福諸將須堪託死生
欲攝布衣陳戰略小儒今是李西平

李中丞置酒邀賞蘭花

一麾南下別瀟湘九畹移栽新草堂
玉露浸銀甕酒瑤華競拂翠簾香
東風日暮空鵲鳩北闕秋高待鳳凰
記取雕欄扶醉處廿年奔奏鬢如霜

秋日有感

李舍人遺集

羅衣欲換歲云秋昨夜驚看龍火流
未有文章陳魏闕敢期事業出吳鈞
浮生幾日鴻雙爪人物千年土一邱
悄立無言碧天暮滿空寒色下西樓

至日懷邗上諸弟妹兼寄海陵秀才

天心消息一陽微葭琯聲希靜掩扉
梅憶綺窗空後約春欺病客欲先歸
煙波吳楚雙魚遠風雪關山獨雁飛
爲把淚痕寄東海不教留麗老萊衣

舟阻吳城寄弟妹

楚水西辭送別人吳天東阻暮雲深
推蓬怕看章江月一片寒輝萬里心

送可山楊先生

當廷意氣壓金貂幕府聲名赫未消
落魄江潮誰省議回頭身世獨蕭條
逃禪蘇晉難謀醉識字揚雄但解嘲
此地不堪頻送遠水花風葉晚蕭蕭

書感

上書未許到金門柔遠空聞費帝恩
北闕但收無外柄南方敢問未招魂
蛾眉自昔傷微賤馬革何年報至尊
一顧頭顱仍壯歲雙揮涕淚望中原

秋夜

雁聲蟲語夜漫漫蜡炬紅消淚未乾
人到多情才惜別花如解語定驚寒
愁邊風月盃中盡身外功名鏡裏看
挑起一燈成太息繁霜蔽下雕欄

李舍人遺集

書事

徐方誰料遽來同昨日星雲會漢宮
雪耻梁王休報楚聽歌魏絳早和戎
山川空洩金銀氣海嶠粗平鵬鶚風
終是尊生天意厚爾曹奔告漫匆匆

別陳師

高堂黯別已忽忽絳帳旋拚百瓊空
遼海文章虛老淚關河風雪促孤蓬
雄談釋恨猶驚座蜡淚何心也墮紅
江上漫教頻送遠翔鸞飛雁各西東

渡江寄友

忍淚出門去傷心空暗彈乾坤催歲暮
風雪渡江寒東下鷗波杳南飛雁影單
故人有書札應說勸加餐

至日謁史閣部墓

象牀寶帳寂無譁，歷歷寒林墓道遮。一代星雲歸紫極，千年冠帶葬黃沙。詩成悲嘯驚山鬼，日落荒愁起暮鴉。欲把古今興廢感，春前重問嶺頭花。

瓶中桃花

紅霞璀璨武陵村，腸斷銀瓶淨託根。流水千年空墮劫，東風三月最銷魂。人間紅袖偏憐命，洞口仙谿自有源。我欲問津何處是，落英芳草閉閑門。

擬白燕二首

何年衣換舊時烏，一樣呢喃語轉珠。關盼樓高霜皎潔，莫愁堂晚月模糊。映來艾葉驚休避，飛入楊花影欲無。何事

李舍人遺集

三

營巢苦憔悴，幾回猶自被泥污。

瓊林妙筆畫難工，碎玉參差一剪風。掌上舞殘春色冷，江心掠破練痕空。忍收雪涕歸南國，應把紅妝笑漢宮。便是誰家巧相妒，雙雙綰袂倚簾櫳。

言志

驚鳥逝羈絆，一擊萬里餘。壯夫把奇志，何爲久泥塗。四極歸一室，廟堂在江湖。願言奉巷遇，努力貢馳驅。龍光逮風退，斑彩耀窮閭。身世尙茫然，慨嘯何時無。

故園除夕

強伴萱花競醉容，鄉村豚酒亦粗供。年從爆竹聲中去，春在臘香枝上逢。千里終悲團聚少，一宵贏得衆歡濃。金燈

銀燭堂堂暗，早報龍山遠寺鐘

登高

登高望四荒，天地何空濛。東流無盡時，西來多悲風。南都渺極目，北辰莽崇巖。側身尙飄滯，區區一微蟲。逝將託蓬萊，瑤臺千萬重。王母不吾期，能勿聽蒼穹。恨不祝高堂，長年如喬松。大化默無言，使我心慙慙。

感遇

熠熠蜉蝣羽，楚楚耀衣裳。朝溷越鳥色，暮逐春蠶僵。微蟲亦何知，旦夕不能望。哀彼城南道，墓木鬱蒼蒼。豐碑沒蒿萊，誰辨金與張。翁仲默不語，荒草空殘陽。不見薰灼時，衮衮皆侯王。

李舍人遺集

四

思江南

有鳥將南飛，萬里渡寒江。有客鬱西滯，離憂不能忘。江關少親媚，故國若他鄉。愁懷動越戢，臘粥易羅裳。落葉一何急，金風淒已涼。餓鴉悲前林，陰蟲哀空房。願言結素心，飲我三百觴。醉傳雙鳳翼，夢魂浩飛翔。一掣過吳越，不恨川無梁。上堂見我親姊妹，皆在旁。含笑共執手，脫我遊子裝。忍淚話風塵，喃喃語何長。不教汝南雞啼我，玄螭膽心切。轉無寐，百思空摧腸。

秋晚江上和劉五

西風何處木蘭舟，落日空生水國愁。翡翠背人穿鏡沒，魚龍滾浪極天浮。灘蘆雪重千重白，浦樹雲寒一雁秋。已是

橋欄怕吟望更堪江驛發名謳

又和城樓夕眺

驚沙莽莽颯天風城闕秋高望眼中儘有嘯歌關宇宙那無身世感英雄河山百戰遺黎在雲樹千門落照空我欲倚欄君莫去江流東下日洶洶

送劉渚

家山誰說雁行稀乍出羊城匹馬飛未覺瘴煙消鬢髮重將別夢繞蒼闌風雲西北高樓會金鼓東南大將旗遙識後堂聞報早笙歌旋迓錦衣歸

哭楊河山先生

靈芝何意獨沈埋鬱鬱泉宮鎖綠苔懷抱便從身後展音

李舍人遺集

五

容空向眼前來啼噓風露彪螭駕軻軻文章屈宋才一曲招魂何處是暮天無際雁聲哀

阻風登石鍾山

名山有約久難酬天教勞人遂壯遊怪石舊當彭蠡險小舟今爲帥臣留鎗鉤鐘鼓應能聽南北風波且未休時法未靖此夜月明空望遠長湖淼渺水西流

宿瓜州

忍別東吳卻上征西風吹雪浩縱橫孤燈未照西歸夢且聽東流一夜聲

九日偕劉五登城樓

漫吹鐵笛動蛟鼉故國樓高舞太阿舉世塵勞誰笑口百

年風日賸悲歌地無叢菊三秋淚天入寒江萬里波爲問南來斷行雁茱萸筵上恨如何

秋暮還故園

就傳還家少歸甯隔月多兒衣紅減鬢親髮白添皤霜冷催新橘秋高熟晚禾向來思衣錦此去便鳴珂

吉州道中

馬蹄前路莽蒼蒼迴指寒林是故鄉草木豈知人事變郊關贏得役車忙幾家村落成墟墓終古河山對夕陽莫怪停鞭行更緩沿溪十里橘橙香

佳人

空谷黯白日天秋四無雲佳人理素琴清怨亦紛紛豈忘

李舍人遺集

六

玉指寒忍此朱顏醺莫按廣陵調斯人恐未聞

贈劉五

君本漢家裔我亦漢家兒高歌酬白日靈樹交玉枝天心悲厭魯潛寶在清時斯文未云喪吾道甯詭隨蟲雕固匪務虎變見端倪敢日弗衷古毀柄逐世宜濁俗寶華譽虛譽將何爲甘抱太璞終忍與砭砭期十年困大壑蛟龍苦垂頭時不恤朱顏憔悴美與姬夫人曷足求帝網亦已恢毋乃玉女成彼吳詎吾欺願言矢同德立誠修其辭寂寂萬歲名秩秩百世師

詠雪和劉五韻

千株梅蕊失瓊英頃刻樓臺盡水精滉漾祇勞銀海倦往

來羣在玉山行天涯誰尙憐紅粉人世全宜號素京
怡恨年年歸路香江流不動浪花平

寒夜有感和劉五韻

幾歲勾吳地孤裘不較遲西來江有凍南去鵲何枝
天意空蕭瑟斯民有怨咨寄聲吟伴裏形影正支離

哭虞齋族兄

吾宗非昔日慘境趁衰門夢飯鄉人誼令原手足恩
舊歎祇益痛新塚獨埋魂撫哭憐吾母安柩爲涕痕

同祖喪無服呼兄痛毀冠先靈何寂寞族姓半凋殘
合墓前妻泣遺孤弱嫂艱重泉有賁志何以慰單寒

家山還握手異地幾相思死別甯無夢生年竟有涯
十旬

李舍人遺集

七

催葬早一面送君遲大父同無祿傷心兩代知

楮墨留餘草儒書了此生恐添思侄淚忍報倚閭人
親在甯長慟兒存勉荷薪溪毛尙予餐回首卽征塵

題畫

絕代嬋娟子幽棲水石間丹青一紙貴衣袂五銖閒
花落空池樹年深有珮環最憐雙彩翼長得傍朱顏

小影江南出明璫楚亦無飄蓬恐傷汝何日伴歸吳
拾翠

終依草拋珠不繫襦祇應留彼美相與愛吾廬

贈謝涓巖

大雅日已墜微軀將奈何斯人負狂簡吾道足絃歌
川嶽生才少文章作合多願書君萬本留賞與山阿

附和作

身世茫茫集端居喚奈何風塵誰巨眼天地入悲歌
之子空羣出豪吟快意多幾時懷共展著述富岩阿

疊前韻答謝君

馬周既落拓相識是常何不獻上林賦空茲薇蕨歌
異才生有數同調世無多儘得論文興樽前舞太阿

白眼

對酒不成醉霑巾空自傷余身苦寂寞世道日狂獷
鞭撻困騏驥餓鴟猜鳳凰紅塵盡如此白眼顧何妨

將返故園留示弟妹

鯢魚化飛鵬虎子不守穴男兒貴橫行况乃返鄉國
念我

李舍人遺集

八

固楚產生長在吳越父老奉官守煮海供玉食東滯
凡幾載西望長撫臆授我唐虞書謂女毋自逸學成
更歸祭爲

父省宗祏兒年雖就冠行止未離膝生母早祖謝養
母亦如嫡憶昔長兄去牽衣尙號泣此行淒肺腑賜
瀝不能咽

大江何茫茫催我中流楫縱有沫泗望時陳師偕作俱蕭

瑟弱弟猶能送挽袖意惻惻嬌妹啼母懷脂粉紛狼
藉母袖已沾溼視妹空增戚長跪復辭父嗚咽安能
說憐彼新

婦癡掩涕轉羞出何怪童僕輩相顧歎欲絕魂夢豈
不歸世上奈重別臨歧淚皆盡親意乃稍揭父謂兒
長成奔走

何由恤弗忘顯揚志王事且女適母謂兒遠征長途
好慎

疾但與鄉士遇而母亦顏色日暮家山遠天長飛鳥
疾苦

恨形骸贅暫與骨肉訣願言教弟妹努力雙親側援筆就
風塵萬里從此發

晚秋病懷

飛蚊繞鬢帳如煙睡起西風意惘然足懶高堂遲問膳心
寒單被促裝綿故人一別成千載傾國重逢又幾年賸有
滿襟狼藉淚瀟瀟彈向菊花天

呈玉潭師

文章舊誦早知名桃李新陰愧未成儘有馨香分一世甯
無衣鉢在殘更猶龍曾莫窺涖岸羸馬初聞別帝京弄
月吟風更何處濂溪花草是三生

結以梅索玉潭先生詩未獲卻奉二絕句

李舍人遺集

九

紙帳春孤少睡眠一枝應結歲寒緣如何添卻孤山夢心
到空虛萬籟前
前身逋老今坡老何物詩魔怯道魔爲語三清舊天女好
須長跪問維摩

先生以綠梅見惠復奉一絕

宮牆留語欲歸遲賜出瓶花綠滿枝不是後堂春不惜門
前立雪已多時

抵家作

再旬厭長路千里赴柴門嬉戲兄非舊家山母亦存楸梧
感廬墓菰韭足田園偕作勞師友連宵強百尊
一樣萱堂酒歡嘗醉未辭獨驚雙鬢雪不似在吳時遠道

問難盡乳名呼更疑猶然愧人子安敢說勞瘁

長棄阿耶去哀哀生我親天高不可報曷恥况還貧辛木

啼烏烏梨羹泣路人那堪十載淚滴向九泉新

歷歷尋手澤垂垂桑與榆先人吾不見枝葉半邱墟宗祏

終長在雲初勉讀書前溪嘆諸父日暮尙犁鋤

儒服塵猶黯艱難甯起衰爲憐小兒女或可大門楣故國

心何極南天書轉遲平安幸能報聊寄遠方知

鳴鴉

地僻足妖物鳴鴉甯久聞誰知蓬蓽士翻憶泮宮林東國
終憂患西歸自好音莫教愛柔甚五畝廢牆陰

佩劍

李舍人遺集

十

慘懷不可觸龍眠霜雪陰腰間一條水壯士十年心談笑
無羣孽艱危有百金酒酣拔復舞星斗黯森森

寄佩芳

誰謂相去遠千里敝荆吳文宣摘唐棣思心貴鬱紆公府
太岳後寒族漢家餘爲蘿施喬松姻婭昔何疏郊關記遄
征脫略認葭葦豈知世路艱往來故國都再言登朱門宗
袞重赫都獻歲反稽滯韓萼得內村晨興謁穆姬咸健姪
從姑鳳臺恨孤寄簡壁登其隅共姜諷我詩伯也空先祖
諸母話移日姊妹咸喁喁此樂不再遇鯉對催庭趨心越
吳王溝颿挂彭蠡湖長揖涕諸戚宗子甯綰子歸聚幸無
恙君或念長途女嬃共離思道君還歎歔骨肉未久乖終

詎不克俱日暮萬動息征鳥將雲孤自顧無雙翼忽苦借
奔徂關山竟何極限此七尺軀長歌告舅氏遐想何時無

寄陳師

踽踽憂周道周趨庭暇日鎮言愁忍教弱弟聞歌泣不
告諸姬強出遊常侍似曾攀鳳舉西河何日解牛憂寸心
欲訴先如結寫作長言未忍投

哀蟬爲蟻所食

仁逃螳怒避花叢旋墮虬蟬萬腹中抱潔豈餘羶可慕能
吟總覺遇多窮楚冠碎裂嗟何及齊女長歸曲未終我亦
他年飽螻蟻又誰垂涕向蒿蓬

讀甘泉劉烈女傳

李舍人遺集

十一

千里江南一燕秋不忍雙飛忍獨留掌中羽毛乍摧折世
上羣匹空啾啾啾啾相呼未相見儷皮初受中郎絹中郎
脩文不上書隔雲尊酒憑誰奠一紙凶音出蜀岡山陰明
府罷登堂東牀消息魚書斷西澗婆娑鶴髮傷西澗家傳
壯節苦壯節而今歸弱女高堂謾樹愴無言小婢蘭孫自
私語饒舌青禽豈知諱繫足朱繩竟成縷縞素哀哀何處
歸雪衣欲拂孤山土卵翼深恩敢棄捐九京留作貞魂補
神雨瀟瀟望舊鄉西河喪明方斷腸雙呼逝者忽破涕人
生生死原尋常良玉孤沈葆其璞鑲邪埋地翻能雙紙黃
舊剪金釵蝶血碧新流白馬江白馬江聲接隋苑曹娥遠
送奚辭遠宵冥同穴生平願求仁得仁又何怨平山山外

塚我哉爭說池孃與許娥昨添雙樁封林麓雪溪先生親
撫哭靈之來兮風謾謾驚起飛號墓門木飛鴉變聲慘呼
偶啼啼咄咄共姬後君子毋謂女不婦授命成人亦良厚
哀歌一曲鄙離鸞孤雁關山道路寬流盡詩人忠孝淚吳
王溝水日應寒

贈許佩芳劍

生平何所能揮毫飲千鍾生平何所好太阿龍泉霜雪鋒
夜隨伯兄走城南主人賣劍窮其三我取連環待君妹君
留孤缺應須佩感君意氣薄長虹要君摩厲斬蛟龍轉撫
雙鐔卻無語畢竟英雄是兒女

贈程杰

李舍人遺集

十二

君不見越石囚稷下不得駢肩遊又不見安國詘徒隸侵
之及毛髮當其負罪亦何語公治無辭在縲紲夫子疏豪
出天性朱門幾葉王侯盛五百萬錢揮曲逆三十六郡知
程鄭何爲依微困獄卒僅免琅璫被皮骨交游親戚復何
云太行孟門本斬絕舊宰許生吾老昆指佩芳相邀時叩黃
昏門橐籥但予甯生節瓜面那識臯陶尊園墻四暗天爲
閉剪燭重看眞夢寐但披風雪對指頤不覺英雄背垂淚
爲君歌歌莫哀齊相未應惜後乘梁王終當揚死灰早日
神龍光見燭鸞鳳煙霄歸去來

贈王學士次徐水部

先生罷歸日 聖主太平時一笑江潭客空遺宋玉悲

附原作

北闕陳書日東門祖帳時秋風兩行淚不爲別離悲

上龍詹事集杜三十韻

衡岳江湖大夔龍廊廟珍君王自神武驚代得麒麟軒冕
羅天闕衣冠拜紫宸風騷共推激世業豈沈淪高視收人
表文章實致身翰林名有素熊軾且移輪訓諭青衿子操
持郢匠斤周防期稍稍萬馬肅駢馳楚隔乾坤遠東浮滄
海潯咸陽初盛動谷轉頗彌旬夜看鄴城氣三移斗柄春
弼諧方一展風俗盡還淳侯伯知何算尊榮邁等倫寸長
堪縫絳萬役但平均野膳隨行帳恩波起涸鱗清關塵不
雜得土契無鄰回首周南客早充觀國賓諸生舊桓褐鏤

李舍人遺集

三

骨抱酸辛煩促嬰詞筆浮生有屈伸流傳江鮑體霑麗屬
車塵虎氣必騰上龍門客又新顧深慚鍛鍊時過憶松筠
去棹依顏色無心恥賤貧雕蟲蒙記憶涕淚在衣巾向晚
尋征路危樓望此辰幾時陪羽獵岳牧用詞人卿月昇金
掌蒼生倚大臣關山同一照臺衮更誰親犬馬誠如戀皇
明斷若神爲公歌此曲感激異天真

吉州守歲用東坡韻上許公正卿

騰騰銀蠟煙生暈颯颯珠帷雪擲沙五夜寂寥俱是客一
堂華好自爲家盃深欲吐胸中竹坐久還浮眼底花喚起
兒童爲狂舞轟然一笑座生譁

使君遠假黃金屋鄰女嘗留白玉酥但取膏騰翻席上那

知零落在天隅催人自被年時逼竟法聊從僕隸呼欲與
吉州留美事請公儘興倒樽壺

用東坡和子由省宿致齋韻示仲弟約

江關兩度雪霜天忽忽良時一惘然送臘迎春幾回老不
銷仙子話桑田

張挽韶年二十三暫披終似睡時衫明朝鄧禹封侯歲細
把吾生問季咸

耿耿悲筵獵獵風晨光漸轉碧翁翁困來且欲西堂臥爭
奈椎門乞食童

集蘇句寄佩芳

雲山勸我早抽身贈歸期爲惡賓苦恨相思不相見暗

李舍人遺集

十四

庭蘭玉一時春

勒鍾方伯二女墓

昭代公垂老忠門節故多天留埋玉地不獨表湘娥

和許正卿見懷原韻

蠻荒燈月送生涯上國江山照物華方恨南昌遠北斗翻
令西子羨東家勞人身世皆樵燕蓋代功名亦蓋蛇待與
吾師聽流水成連會泛海天槎

用正卿韻寄仲弟

故山一別更天涯坐憶西堂鬢欲華之子花紅虛照眼王
孫草綠未還家沈沈人事藏孟蠋冉冉年光赴壑蛇十日
平原差告可編魚飽鮪漢江槎

答正卿慰途中失驚三用前韻

頻年波浪楚江涯，彫盡朱顏慘不華。
曹植幾傳交甫珮，封姨幸妒洛神家。
命存自喜身留蝶，骨瘦誰悲頸似蛇。
終竟窮人成一笑，爲公還自說浮槎。

書感用前韻

猶是天涯與海涯，滯留無計遣韶華。
朝衣披後三時飯，夜枕酣來何處家。
嗟首碩人應感燕，猴冠僇子自添蛇。
悲心爲比東湖柳，一一新黃迸舊槎。

寄正卿復用前韻

苦從大水望津涯，未許攀崖踐石華。
記向花前同發興，共憐春盡尙離家。
靈均南阻空鵲鳩，子美西留奈蝮蛇。
護盡

李舍人遺集

主

風燈作愁句，夜寒瑟縮凍枯槎。

奉答正卿又用前韻

春服將成水一涯，上清欲雨曼佗華。
口吟綠字三千遍，心到青原十萬家。
錦上飄浮看蝴蝶，幻中變滅聽龍蛇。
近來略識維摩意，應似寒梅老欲槎。

別佩芳

朔雪嗟予邁，春花恨子岐。
吳山故好在，杞國恐長辭。
節念侯生壯，心憐季子悲。
一尊無限淚，不語各依依。

寄許子恭

六載迢遰闊，蹉跎俱幕門。
自憐身泛泛，還愧色溫溫。
生死看荆合，悲歡任鳥喧。
清吟向江水，眞處更無言。

贈謝渭巖

落落英雄契茫茫，宇宙中合離時事異。
涕淚古今同之子，烏衣秀生平白眼。
空放懷諱一代脫口駭，諸公微分醴雞。
忝當年走馬逢披雲，得衛玠弱冠出終童。
笑視知心愜高言，發耳聾酒無深夜綠。
花憶故園紅，促別甯留面歸飛。
各轉蓬三秋，怨蕭葛干徧唱玲瓏辱。
訪蹤誰識徃狂命，固窮宗邦猶阻絕。
異域况冥濛日月傳天璽，風雲動棘宮那知。
鴉聚雪共作鶴棲籠，射策悲雙鵠還家。
藐萬鍾快壚俱肺腑，暫闊更過從鐘鼓樓臺上。
煙波湖水東談詩，情致極說劍氣矜。
隆下室依梅福高人，感敬通艱難吾道在。
鬱侘一朝融日短天催暮，孟深憤積胸飄零。
長華髮身世問蒼穹。

李舍人遺集

主

太息豈云已，清詩殊未終。
感公坐遙夜，秋月滿簾櫳。

吉州放榜結得高等謝君得次等以詩代排遣

數行官榜夜恩恩，痛飲狂歌無復同。
愧我忝爲百夫特，知君已是十年窮。
鯨鯢尙隔江湖底，燕雀同飛天地中。
不用清時故惆悵，東山絲竹豈長終。

次渭巖韻酬之

磅礴豈不發英姿，多豹藏人間。
幾神駿空外軼，驪黃夫子眞天縱。
微生甯楚狂，清詞法眞辛。
應恐動蒼蒼。

寒夜有感和劉五韻

戍鼓暮淵淵，江關作雪天。
炎寒分一室，燈火逼孤眠。
歲事三時去，霜威萬瓦懸。
白頭親尙遠，何以慰衰年。